

欽定續通志

是大樂丞爲清職追述革酒法爲經又采杜康儀狄以來善酒者爲譜李淳風曰君酒家南董也所居東南有盤石立杜康祠祭之尊爲師以革配著醉鄉記以次劉伶酒德頌其飲至五斗不亂人有以酒邀者無貴賤輒往著五斗先生傳刺史崔喜悅之請相見答曰奈何坐召嚴君平邪卒不詣杜之松故人也爲刺史請續講禮答曰吾不能遣讓邦君門談糟粕藥醕膠也之松歲時贈以酒脯初兄凝爲隋著作郎撰隋書未成績續餘功亦不能成貞觀十八年豫知終日命薄葬自誌其墓而卒

朱桃椎益州成都人澹泊絕俗被裘曳索人莫測其所爲長史竇軌見之遺以衣服鹿幘鹿鞋逼署鄉正委之地不肯服更結廬山中夏則羸冬緝木皮葉自蔽贈遺無所受嘗織十芒屨置道上見者曰居士屨也爲嚮米若易之置其處輒取去終不與人接其爲屨草柔細環結促密人爭躡之高士廉爲長史備禮以請降階與之語不答睽視而出士廉拜曰祭酒其使我以無事治蜀邪乃簡條目薄賦斂州大治屢遣人存問見輒走林草自匿云

孫思邈京兆華原人通百家說書言老莊周洛州總管獨孤信見其少異之曰聖童也願器大難爲用爾及長居太白山隋文帝輔政以國子博士召不拜密語人曰後五十年有聖人出吾且助之太宗初召詣京師年已老而視聽聰瞭帝嘆曰有道者欲官之不受顯慶中復召見拜諫議大夫固辭上元元年稱疾還山高宗賜良馬假鄱陽公主邑司以居之思邈於陰陽推步醫藥無不善孟詵盧照鄰等師事之照鄰有惡疾不可爲感而問曰高醫愈疾奈何答曰天有四時五行寒暑迭居和爲雨怒爲風凝爲雪霜張爲虹霓天常數也人之四支五藏一覺一寐吐納往來流爲榮衛章爲氣色發爲音聲人常數也陽用其形陰用其精天人所同也失則蒸生熱否生寒結爲瘤贅陷爲癰疽奔則喘乏竭則焦槁發乎面動乎形天地亦然五緯縮蠲字彗飛流其危診也寒暑不時其蒸

否也石立土踊是其瘤贅山崩土陷是其癰疽奔風暴雨其喘乏川瀆竭涸其燋槁高醫導以藥石救以砭劑聖人和以至德輔以人事故體有可愈之疾天有可振之災照鄰曰人事奈何曰心爲之君君尙恭故欲小詩曰如臨深淵如履薄冰小之謂也膽爲之將以果決爲務故欲大詩曰赳赳武夫公侯干城大之謂也仁者靜地之象故欲方傳曰不爲利回不爲義疚方之謂也智者動天之象故欲圓易曰見幾而作不俟終日圓之謂也復問養生之要答曰天有盈虛人有屯危不自慎不能濟也故養性必先知自慎也慎以畏爲本故士無畏則簡仁義農無畏則惰稼穡工無畏則慢規矩商無畏則貨不殖子無畏則忘孝父無畏則廢慈巨無畏則勳不立君無畏則亂不治是以太上畏道其次畏天其次畏物其次畏人其次畏身憂於身者不拘於人畏於己者不制於彼慎於小者不懼於大戒於近者不侮於遠知此則人事畢矣初魏徵等修齊梁周隋等五家史屢咨所遺其傳最詳永瀋初卒年百餘歲遺令薄葬不藏明器祭去牲牢孫處約常以諸子見思邈曰俊先顯侑晚貴佗禍在執兵後皆驗太子詹事盧齊卿之少也思邈曰後五十年位方伯吾孫爲屬吏願自愛時思邈之孫薄尙未生及薄爲蕭丞而齊卿徐州刺史

田游巖京兆三原人永徽時補太學生罷歸入太白山母及妻皆有方外志與共棲遲山水間自蜀歷荆楚愛夷陵青谿止廬其側長史李安期表其才召赴京師辭疾入箕山居許由祠旁自稱許由東鄰頻召不出高宗幸嵩山還中書侍郎薛元超就問其母問藥物絮帛帝親至其門游巖野服出拜儀止謹樸帝令左右扶止之謂曰先生比佳否答曰臣所謂泉石膏肓煙霞痼疾者帝曰朕得卿何異漢獲四皓乎薛元超贊帝曰漢欲廢嫡立庶故四人者爲出豈如陛下親降巖穴邪帝悅因敕游巖將家屬乘傳赴都拜崇文館學士帝營奉天宮游巖舊宅直

宮左詔不聽毀天子自書榜其門曰隱士田游巖宅進太子洗馬裴炎死坐素厚善放還山蠶衣耕食不交當世惟與韓法昭宋之間爲方外友云

按新書此下有史德義附傳稱天授初江南宣慰使周興嗣之召赴都擢朝散大夫興死苑官歸業譽賴哀他無足錄又有孟詵傳載詵擢進士官鳳閣舍人

春官侍郎同州刺史神龜初始致仕嘗語人曰策性者善言不可離口善業不可離手然本傳稱其居官頗刻斂不當入隱逸傳今併刪

王友貞懷州河內人父知敬善書隸武后時仕爲麟臺少監友貞少爲司經局正字母病醫言得人肉啖良已友貞剔股以進母疾愈詔旌表其門素好學訓誨子弟如嚴君口不語人過重然諾時以爲君子愿長水令罷歸中宗在東宮召爲司議郎不就神龍初以太子中舍人徵固辭疾詔給全祿終身州縣存問玄宗在東宮表請以蒲車召不至卒年九十九贈銀青光祿大夫

王希夷徐州滕人家貧父母喪爲人牧羊取傭以葬隱嵩山師黃頤學養生四十年頤卒更居兗州徂徠與劉玄博友善喜讀周易老子餌松柏葉雜華年七十餘筋力柔強刺史盧齊卿就謁問政答曰己所不欲勿施於人此言足矣玄宗東巡符詔州縣敦勸見行在時九十六帝令張說訪以政事宦官扶入宮與語甚悅拜國子博士遷還山敕州縣春秋致束帛酒肉仍賜絹百衣一稱

李元愷邢州人博學善天文律歷性恭慎口不言人過宋璟嘗師之既當國將薦之朝拒不答洛州刺史元行沖邀致之問經義畢贈衣服辭曰吾軀不可服新麗懼不稱以速咎也行沖垢蠟復與之不獲已而受及還乃以己之所蠶素絲五兩酬行沖曰義不受無妄財也先是定州崔元鑒善禮學用張易之力授朝散大夫家居給半祿元愷謂曰無功而祿災也卒年八十餘

衛大經州解人卓然高行口無二言武后時召之固辭疾素善魏夏侯乾童聞其母卒盛暑步往弔或止之曰

方夏涉遠不如致書答曰書能盡意邪比至乾章以事行乃設席行弔禮不訊其家而還開元初畢構爲刺史使縣令孔慎言就謁辭不見大經寤於易人謂之易聖豫筮死日鑿墓自爲誌如言終

武攸緒則天皇后兄惟良子也恬澹寡欲好易莊周書少變姓名賣卜長安市得錢輒委去後更授太子通事舍人累遷揚州大都督府長史鴻臚少卿后革命封安平郡王從封中岳固辭官願隱居后疑其詐許之以觀所爲攸緒廬巖下如素遁者后遣其兄攸宜敦諭卒不起后乃異之盤桓龍門少室間冬蔽茅椒夏居石室所賜金銀錯鬲野服王公所遺鹿裘素障纓櫺塵皆流積不御也市田潁陽使家奴雜作自混於民晚年瞶有紫光晝能見星中宗初降封樂國公遣國子司業杜慎盈齋書以安車召拜太子賓客苦祈還山詔可安樂公主出降又遣通事舍人李邈以璽書迎之將至帝敕有司卽兩儀殿設位行問道禮召見日山帔葛巾不名不拜攸緒至更冠帶杖入通事舍人贊就位攸緒趨就常班再拜帝愕然禮不及行朝廷嘆息賜予無所受親貴來謁道寒溫外默無所言及還中書門下學士朝官五品以上並祖城東俄而諸韋誅武氏連禍唯攸緒不及睿宗恐其不自安下詔慰諭復召拜太子賓客不就譙王重福之亂攸緒以誣被繫張說表置廬山中書令姚元崇奏攸緒在武后時未嘗輒出今州縣逼遣士爲驚嗟願詔賜書山舊居令州縣存問詔可開元十一年卒

白履忠汴州浚儀人賈知文史居古大梁城時號梁邱子景雲中召爲校書郎棄官去開元十年刑部尙書王志愔薦履忠博學守操可代褚無量馬懷素入閣侍讀十七年國子祭酒楊瑒又表其賢召赴京師辭病老不任職詔拜朝散大夫乞還手詔許游京師徐返里閭履忠留數月乃去吳兢其里人也謂曰子素貧不露斗米匹帛雖得五品亦何益履忠曰往契丹入侵家取排門夫吾以讀書縣爲免今終身高臥寬徭役豈易得哉

盧鴻一按新書作盧鴻說一字今據舊書增字浩然按新書作顯然今據舊書改其先幽州范陽人徙洛陽博學善書籍盧嵩山當開元初備禮

再徵不至五年復詔有司齋束帛徵之鴻一至東都謁見不拜宰相遣通事舍人問狀答曰禮者忠信之薄臣敢

以忠信見帝召升內殿置酒拜諫議大夫固辭復下制許還山歲給米百斛絹五十府縣爲致其家朝廷得失以

其狀聞將行賜隱居服官營草堂恩禮殊渥鴻一至山中廣學廬聚徒至五百人所居室自號靈極云

吳筠字貞節華州華陰人通經義美文辭舉進士不中性高顯不耐沈浮於時去居南陽天寶初召至京師請隸

道士籍乃入嵩山依潘師正究其術南游天台與有名士相娛樂文辭傳京師玄宗遣使召見大同殿與語甚悅

敕待詔翰林獻玄綱三篇帝嘗問道對曰深於道者無如老子其餘徒喪紙札耳復問神仙治鍊法對曰此野人

事積歲月求之非人主所宜留意筠每開陳皆名教世務天子重之羣沙門嫉其見遇而高力士素事浮圖共短

筠於帝筠亦知天下將亂懇求還嵩山不許詔爲立道館安祿山欲稱兵乃還茅山而兩京陷江淮盜賊起因東

入會稽剡中與李白孔巢父詩篇酬和大厯十三年卒弟子私謚爲宗元先生

潘師正貝州宗城人舊書作趙州贊皇人少喪母廬墓以孝聞事王遠知爲道士得其術居逍遙谷高宗幸東都召見問所

須對曰茂林清泉臣所須也旣不乏矣帝尊異之詔卽其廬作崇唐觀及營奉天宮又敕直逍遙谷作門曰仙游

北曰尋真時太常獻新樂帝更名祈仙望仙翹仙曲卒年九十八贈大中大夫謚體玄先生按新書此下有劉道合附傳載其祈晴作

司馬承禎字子微洛州溫人少好學薄於爲吏遂從潘師正學辟穀導引術無不通師正異之曰我得陶隱居正

一法逮而四世矣因辭去徧游名山廬天台不出武后嘗召之未幾去景雲二年睿宗復命其兄承禕就起之旣

丹劑二事殊無足錄今刪

至引入掖廷問其術對曰爲道日損損之又損以至於無爲夫心目所知見每損之尙不能已況攻異端而增智
慮哉帝曰治身則爾治國若何對曰國猶身也故游心於澹合氣於漠與物自然而無私焉而天下治帝嗟味曰
廣成之言也錫寶琴霞紋帔還之開元中再被召至都玄宗詔於王屋山置壇室以居善篆隸帝命以三體寫老
子刊正文句又命玉真公主及光祿卿韋縉至所居按金錄設祠厚賜焉卒年八十九贈銀青光祿大夫諡貞一
先生親文其碑

賀知章字季真越州永興人性曠夷善談說與族姑子陸象先善象先嘗謂人曰季真清談風流吾一日不見則
鄙吝生矣則天證聖初擢進士超拔羣類科累遷太常博士張說爲麗正殿修書使表知章及徐堅趙冬曦入院
撰大典等書開元十三年遷禮部侍郎兼集賢院學士一日併謝宰相源乾曜語說曰學士侍郎孰爲美說曰侍
郎衣冠之選然要爲具員吏學士懷先王之道經緯之文然後處之此其爲間也玄宗自爲贊賜之遷太子右庶
子充侍讀中王薨詔選挽郎而知章取舍不平陰子喧訴不能止知章梯牆出首以決事人皆斬之坐徙工部肅
宗爲太子知章遷賓客授祕書監晚節尤誕放邀嬖里巷自號四明狂客及祕書外監每醉輒屬辭筆不停書咸
有可觀未始刊飭善草隸好事者具筆研從之意有所愜不復拒然紙纔十數字世傳以爲寶天寶初病乃請爲
道士還鄉里詔許之以宅爲千秋觀而居又求周宮湖數頃爲放生池有詔賜鏡湖剡川一曲旣行帝賜詩皇太
子百官餞送擢其子僧子爲會稽司馬賜緋魚使侍養幼子亦聽爲道士卒年八十六肅宗乾元初以雅舊贈
禮部尙書

秦系字公緒越州會稽人天寶末避亂剡溪北都留守薛兼訓奏爲右衛率府倉曹參軍不就客泉州南安結廬

九日山穴石爲研注老子彌年不出刺史薛播數往見之歲時致羊酒而系未嘗至城門姜公輔之謫見系輒窮日不能去築室與相近忘流落之苦公輔卒妻子在遠系爲葬山下張建封聞系之不可致請就加校書郎與劉長卿善以詩相贈答權德輿曰長卿自以爲五言長城系用偏師攻之雖老益壯其後東庾秣陵年八十餘卒南安人思之號其山爲高士峯云

張志和字子同婺州金華人始名龜齡父游朝通莊列二子書爲象罔白馬證諸篇佐其說母夢楓生腹上而產志和十六擢明經以策干肅宗特見賞重命待詔翰林授左金吾衛錄事參軍因賜名後坐事貶南浦尉會赦還以親既喪不復仕居江湖自稱煙波釣徒著玄真子亦以自號有韋諱者爲撰內解志和又著大易十五篇其卦三百六十五兄鶴齡恐其邁世不還爲築室越州東郭茨以生草椽棟不施斤斧豹席樓牖每垂釣不設餌志和在魚也縣令使浚渠執畚無忤色嘗欲以大布製裘嫂爲躬績織及成衣之雖暑不解觀察使陳少游往見爲終日留表其居曰元真坊以門隘爲買地大其閤號回軒巷先是門阻流水無梁少游爲構之人號大夫橋帝嘗賜奴婢各一志和配爲夫婦號漁童樵青陸羽嘗問孰爲往來者對曰太虛爲室明月爲燭與四海諸公共處未嘗少別也何有往來顏真卿爲湖州刺史志和來謁真卿以舟敝漏請更之志和曰願爲浮家泛宅往來蒼苔間辨捷類如此善圖山水酒酣或擊鼓吹笛紙筆輒成嘗撰漁歌憲宗圖其真求之不能致李德裕稱志和隱而有名顯而無事不窮不達嚴光之比云

按新舊此下有孔述睿及子敏行傳今改入孔氏後裔傳此從刪

陸羽字鴻漸一名疾字季疵復州竟陵人不知所生或言有僧得諸水濱撫之既長以易自筮得蹇之漸曰鴻漸于陸其羽可用爲儀乃以陸爲氏名而字之幼時其師教以旁行書答曰終鮮兄弟而絕後嗣得爲孝乎師怒使

執蕪除圯壤以苦之又使牧牛羽潛以竹畫牛背爲字得張衡南都賦不能讀危坐效羣兒囁嚅若成誦狀師拘之令薙草莽當其記文字懜懜若有遺過日不作主者鞭苦因歎曰歲月往矣奈何不知書嗚咽不自勝因亡去匿爲優人作詠諧數千言天寶中州人酺吏署羽伶師太守李齊物見而異之授以書遂廬火門山貌倪陋口喫而辯聞人善者在己見有過者規切至忤人朋友燕處意有所行輒去人疑其多嗔與人期雨雪虎狼不避也上元初更隱苕溪自稱桑苎翁閩門著書或獨行野中誦詩鑿木裴回不得意或慟哭而歸久之詔拜羽太子文學徙太常寺太祝不就臘貞元末卒羽嗜茶著經三篇言茶之原之法之具尤備天下益知飲茶矣時鬻茶者至陶羽形置煬突間祀爲茶神有常伯熊者因羽論復廣著茶之功御史大夫李季卿宣慰江南次臨淮知伯熊善煮茶召之伯熊執器前季卿爲再舉杯至江南又有薦羽者召之羽衣野服挈具而入季卿不爲禮羽愧之更著毀茶論其後尙茶成風時回紇入朝始驅馬市茶

崔觀梁州城固人以儒自業身耕耨取給老無子乃以田宅財貲分給奴婢而身與妻隱南山山南西道節度使鄭餘慶辟爲參謀敦趣就職不聽更事餘慶稱長者文宗時左補闕王直方其里中人也上書論事見便殿帝訪遺逸直方薦觀高行詔以起居郎召辭疾不至

陸龜蒙字魯望元方七世孫也父賓虞以文歷侍御史龜蒙少高放通六經大義尤明春秋舉進士一不中往從湖州刺史張搏游搏歷湖蘇二州辟以自佐嘗至饒州三日無所詣刺史蔡京率官屬就見之龜蒙不樂拂衣去居松江甫里多所論撰雖幽憂疾痛貲無十日計不少輟也文成竄蠹篋中或歷年不省爲好事者盜去得書熟誦乃錄譬比勸勤朱黃不去手所藏雖少其精皆可傳借人書篇帙壞舛必爲輯視刊正樂聞人學講論不倦有

田數百畝屋三十楹田苦下雨潦則與江通故常苦饑身畚插棘刺無休時或譏其勞答曰堯舜黷瘠禹胼胝彼聖人也吾一褐衣敢不勤乎嗜茶置園顧渚山下歲取茶租自判品第張又新爲水說七種其二惠山泉三虎邱并六松江人助其好者雖百里爲致之初病酒再期乃已其後客至絮壺置杯不復飲不喜與流俗交雖造門不肯見不乘馬升舟設蓬席齋束書茶壺筆牀釣具往來時謂江湖散人或號天隨子甫里先生後以高士召不至李蔚盧攜素與善及當國召拜左拾遺詔方下卒光化中韋莊表龜蒙及孟郊等十人皆贈右補闕陸氏在姑蘇其門有巨石遠祖續嘗事吳爲鬱林太守罷歸無裝舟輕不可越海取石爲重人稱其廉號鬱林石世保其居云五代

鄭邀 張薦明

鄭邀字雲叟滑州白馬人避後唐明宗祖諱以字行少好學敏於文辭唐昭宗時舉進士不中見天下已亂欲攜其妻子與俱隱其妻不從邀乃入少室山爲道士其妻數以書勸邀還家輒投之於火後聞其妻子卒一慟而止邀與李振故善振後事梁貴顯欲祿邀邀不顧後振得罪南竄邀徒步千里往視之由是聞者益高其行其後邀聞華山有五粒松脂淪入地千歲化爲藥能去三尸因徙居華陰欲求之與道士李道殷羅隱之友善世目爲三高士邀種田隱之賣藥以自給道殷有釣魚術釣而不餌又能化石爲金邀嘗驗其信然而不之求也節度使劉遂凝數以寶貨遺之邀一不受唐明宗時以左拾遺晉高祖時以諫議大夫召之皆不起卽賜號爲遙道先生天福四年卒邀好飲酒奕棋時時爲詩章著人間多寫以繒素相贈遺以爲寶至或圖寫其形翫於屋壁張薦明燕人少以儒學游河朔後去爲道士遇老子莊周之說晉高祖召見問道家可以治國乎對曰道也者妙

萬物而爲言得其極者尸居衽席之間可以治天下也高祖大其言延入內殿講道德經拜以爲師薦明園宮中奏時鼓曰陛下聞鼓乎其聲一而已五音十二律鼓無一焉然和之者鼓也夫一萬事之本也能守一者可以治天下高祖善之賜號通玄先生後不知其所終

欽定續通志卷五百六十八終

欽定續通志卷五百六十九

隱逸傳

宋一

戚同文

楊翥
張昉

宗翼
膝知白

陳搏

种放

萬適

田誥
楊談

李濟

魏野

邢惇

林逋

高懌

韓退

徐復

何羣

戚同文字同文宋之楚邱人世爲儒幼孤祖母攜育於外氏奉養以孝聞祖母卒晝夜哀號不食數日鄉里爲之感動始聞邑人楊翥教授生徒日過其學舍因授禮記隨卽成誦日諷一卷翥異而留之不終歲畢誦五經翥卽妻以女弟自是益勤勵時晉未喪亂絕意祿仕且思見混一遂以同文爲名字翥嘗勉之仕同文曰長者不仕同文亦不仕翥依將軍趙直遇疾不起以家事托同文卽爲葬三世直厚加禮待爲築室聚徒請益之人不遠千里而至登第者五六十人宗度許驤陳象輿高象先郭成範王礪滕涉皆踐臺閣同文純質尙信守義人有喪者力拯濟之宗族閭里貧乏者周給之冬月多解衣裘與寒者不積財不營居室或勉之輒曰人生以義爲貴焉用此爲由是深爲鄉里推服有不循孝悌者同文必諭以善道頗有知人鑒所與遊皆一時名士樂聞人善未嘗言人短與宗翼張昉滕知白爲友生平不至京師長子維任隨州書記迎同文就養卒於漢東好爲詩有孟諸集二十卷楊徽之嘗因使至郡一見相善多與酬唱徽之嘗云陶隱居號與白先生先生純粹質直以道義自富遂與其門人追號貞素先生二子維綸維累官職方郎中致仕綸自有傳楊翥者虞城人力學勤志不求聞達宗翼者蔡州上蔡人父爲虞城主簿因家焉篤孝恭謹貢米養母好學彊記經籍一見卽能默寫書得歐陽虞柳楷法能屬

文隱而不仕家無斗粟怕怕如也未嘗以貧窶干人市物不評價市人知而不欺同文謂翼曰子勞謙有古人風
真吾友也以壽終其子度舉進士至侍御史京西轉運使張昉有史料至殿中少監致仕子信自有傳滕知白善
爲詩至刑部員外郎河北轉運使子涉爲給事中高象先父凝祐刑部郎中以疆幹稱象先至光祿少卿郭成範
最有文終司封員外郎致仕王彥事母甚謹太平興國五年進士至屯田郎中子渙濟淵冲泳渙子稷臣濟子堯
臣並進士及第渙子夢臣進士出身

陳搏字圖南亳州真源人始四五歲戲渦水岸側有青衣媼乳之自是聽悟日益及長讀經史百家之言一見成
誦悉無遺忘頗以詩名後唐長興中舉進士不第遂不求祿仕以山水爲樂居武當山九室巖服氣辟穀歷二十
餘年但日飲酒數杯移居華山雲臺觀又止少華石室每寢處多百餘日不起周世宗好黃白術有以搏名聞者
顯德三年命華州送至闕下留止禁中月餘從容問其術搏對曰陛下爲四海之主當以致治爲念奈何留意黃
白之事乎世宗不之責命爲諫議大夫固辭不受既知其無他術放還詔本州長吏歲時存問五年成州刺史朱
憲陞辭赴任世宗令齋茶帛賜搏按朱子名臣言行錄云周世宗嘗乘白驢欲入汴聞太祖卽位大笑驢曰天

下於是定矣太平興國初應召赴闕

按宋史本傳作來朝不言被召收朱子名臣言行錄云太宗召赴闕賜詩云

摠之赴闕實應召也東都事略亦稱召至闕今據收又按太宗待之甚厚太平興國九年按宋史太宗本紀太平

興國九年

復至闕帝益加禮重謂宰相宋琪等曰搏獨善其身不干勢利所謂方外之士也因遣中使送

即順熙元年也

至中書琪等從容問曰先生修養之道可以教人乎對曰搏不知吐納養生之理假令白日沖天亦何益於治今
天子博達古今深究治亂真有道仁聖之主也正是君臣協心同德興化致治之秋勤行修練無出於此琪等稱

善以其語聞帝益重之賜號希夷先生仍賜紫衣一襲留數月令有司增葺所止雲臺觀放還山端拱初忽謂弟子賈德昇曰汝可於張超谷鑿石爲室吾將憩焉二年秋石室成搏手書數百言爲表碑於七月二十二日化形於蓮花峯下如期而卒搏好讀易手不釋卷常自號扶搖子著指玄篇八十一章言導養及還丹之事又有三峯寓言及高陽集釣潭集大中祥符四年真宗幸華陰至雲臺觀閱搏畫像除其觀田租

种放字明遠河南洛陽人父詡吏部令史調補長安主簿放沈默好學七歲能屬文父嘗令舉進士放辭以業未成不可妄動每往來嵩華山慨然有山林意未幾父卒數兄皆干進獨放與母俱隱終南豹林谷結草爲廬僅蔽

風雨以講習爲業從學者衆得束修以養母母亦樂道薄滋味放得辟穀術嗜酒自號雲溪醉侯東都事略作雲溪醉叟又

號退士所著蒙書十卷及嗣禹說表孟子上下篇太乙祠錄人頗稱之按朱子名臣言行錄云放開陳搏之風往見之搏一日令灑掃庭除曰當有佳客至

放作樵夫拜庭下憊挽而上之曰君豈樵者二十年後當得顯官重名放曰放以道義來官祿非所聞搏曰君骨相當爾雖晦迹山林恐竟不能安又警戒放曰子他日不假進取蹟動天闕名馳寰海名者古今美器造物者深

忌之天地間無完名子名將起必有物敗可戒之宋史本傳不載淳化三年陝西轉運使宋惟幹言其才行詔使召之其母患曰嘗勸汝勿聚徒

講學果爲人知不得安處我將棄汝深入窮山矣放稱疾不起其母盡取其筆硯焚之與放轉居窮僻人跡罕至

太宗嘉其節詔京兆賜以緡錢使養母不奪其志有司歲時存問咸平元年母卒水漿不入口三日廬於墓側宋

湜錢若水王禹偁言其貧不克葬詔賜錢帛及米四年兵部尙書張齊賢言放孝行純至可厲風俗簡樸退靜無

謝古人復詔本府遣官詣山以禮發遣赴闕放辭不起明年齊賢出守京兆復條放操行請加旌賁召至闕對崇

政殿命坐詢以民政邊事故曰明王之治愛民而已惟徐而化之餘皆謙讓不對卽日授左司諫直昭文館御製

五言詩寵之賜昭慶坊第一區自是屢得召對六年春再表謝暫歸故山詔許其請將行又遷起居舍人命館閣

官宴餞於瓊林苑帝賜七言詩三章在席皆賦尋遣使就山撫問圖其林泉居處以獻優詔趣其入朝放以疾未平爲請景德元年入朝二年擢爲右諫議大夫表乞嵩山養疾許之令河南府檢校召對資政殿曲宴學士院表乞免都門置餞之禮屢遣中使勞問是冬復還朝三年以兄喪請告歸終南復召宴賜詩表求太宗御書及經史音疏悉給焉十月復至帝欲大用之遣內侍任文慶齎詔諭意放上表固辭帝曰放能守分懇讓益可嘉也大中祥符元年命判集賢院從封泰山拜給事中二年求歸山宴餞於龍圖閣命學士卽席賦詩製序三年復召赴闕表乞賜告手詔優答作歌賜之乃令京兆府每季遣幕職就山存問四年復入朝從祠汾陰拜工部侍郎放屢至闕下俄復還山人有詒書嘲其出處之迹且勸以棄位居巖谷放不答放終身不娶尤惡鬻雜故京城賜第爲擇僻處然祿賜既優晚節頗飾與服於長安廣置良田歲利甚博亦有彊市者遂至爭訟門人族屬依倚恣橫王嗣宗守京兆放嘗乘醉慢罵之嗣宗屢遣人責放不法仍條上其事詔工部郎中施護推究會赦恩而止四月求歸山又賜宴遣之所居山林細民多縱樵采特詔禁止放遂表徙居嵩山天封觀側遣內侍就興唐觀基起第賜之假餘百日續給其奉然猶往來終南按視田畝每行必給驛乘在道或親詣驛吏規算糧具之直時議浸薄之嘗曲宴令羣臣賦詩杜鎬以素不屬辭誦北山移文以譏之帝嘗語近臣曰放爲朕言事甚衆但外廷無知者因出所上時議十三篇其目曰議道議德議刑議器議文武議制度議教化議賞罰議官司議軍政議獄訟議征賦議邪正八年十一月乙丑晨興忽取前後章疏焚悉焚之服道士衣召諸生會飲酒數行而卒訃聞帝甚嗟悼親製文遣內侍朱允中致祭贈工部尚書錄其姪世雍同學究出身

萬適字縱之陳州宛邱人六七歲卽爲詩及長喜學問精於道德經與高錫族子冕及韓伾交遊不求仕進專以